



Örorkutrygging (tengd viðbótarlífeyrissparnaði)

Skilmáli L-21

Örorkutrygging er hóptrygging fyrir sjóðfélaga sem greiða í séreignarsjóð tryggingartaka. Grundvöllur tryggingar-samningsins eru skilmálar þessir, upplýsingar á tryggingarbeiðni, samningur um viðbótarlífeyrissparnað og önnur gögn sem tengjast samningnum bæði við upprunalega gerð hans og síðar.

Um trygginguna gilda skirteinið ásamt áritun og sérskilmálum, skilmálar þessir, almennir skilmálar félagsins nr. AS-1 og ákvæði laga um tryggingarsamninga nr. 30/2004, hér eftir vsl. Ákvæði í skilmála þessum ganga framár ákvæðum í almennum skilmálum ef ekki er fullt samræmi þar á milli.

Skilgreiningar

Aðalgjaldlagi: Aðalgjaldlagi tryggingarinnar er einu sinni á ári og er fyrsti dagur þess mánaðar sem tryggingin tók upphaflega gildi í, nema um annað sé samið.

Félagið: Vörður líftryggingar hf.

Hópur: Sjóðfélagar í séreignarsjóði tryggingartaka.

Séreign: Séreign er samningur um viðbótarlífeyrissparnað með örorkutryggingu vegna slysa og sjúkdóma ætluð sjóðfélögum séreignarlífeyrissjóðs sem gerir hópsamning við félagið.

Sjúkdómur: Heilsubrestur sem ekki flokkast undir slys. Sjúkdómurinn hefur í för með sér að líkamleg eða andleg færni hins tryggða skerðist sannanlega vegna hans. Upphaf sjúkdóms miðast við greiningardag.

Slys: Skyndilegur, utanaðkomandi atburður sem veldur meiðslum á líkama tryggðs og gerist án vilja hans.

Tryggður: Aðili úr hópnum sem sótt hefur um og fengið tryggingu hjá Verði líftryggingum hf. og sem tryggingin tekur til.

Tryggingaratburður: Atvik sem samkvæmt tryggingarsamningi veldur því að til greiðslu bóta getur komið.

Tryggingartaki: Sá sem gerir hópsamning við félagið.

Tryggingarskirteini: Staðfesting félagsins á því að tryggingarsamningur hafi verið gerður.

Tjónsatburður: Dagsetning slyss eða greiningardagur sjúkdóms.

Varanleg læknisfræðileg örorka: Er átt við að sjúkdómur eða slys hefur haft í för með sér varanlega skerðingu á líkamlegri getu hins tryggða af völdum tryggingaratburðarins.

Örorkunefnd: Í Örorkunefnd sitja þrír aðilar sem skipaðir eru á grundvelli 10. gr. skaðabótalaga. Örorkunefnd semur töflu um miskastig.

1. Kafli. Bótasvið og varúðarreglur

1. gr. Hvað bætir tryggingin?

Tryggingin bætir varanlega læknisfræðilega örorku af völdum sjúkdóms eða slyss eins og hún er metin af matslækni á grundvelli 3. og 4. gr. skilmálans. Varanleg læknisfræðileg örorka skal metin þegar stöðugleika er náð og ekki er að vænta frekari bata tryggðs vegna sjúkdómsins eða slyssins.

Ef metin varanleg læknisfræðileg örorka er lægri en 25% eru ekki greiddar út örorkubætur.

2. gr. Örorkubætur vegna varanlegrar læknisfræðilegrar örorku

- Vegna 100% örorku, skv. mati á grundvelli ofangreindra ákvæða 3. og 4. gr., greiðist tryggingarfjárhæðin að fullu en við minni örorku hlutfallslega. Örorka getur aldrei talist meiri en 100%. Miða skal við þá tryggingarfjárhæð sem í gildi er á tjónsdegi. Falli tryggingin úr gildi áður en til greiðslu bóta á grundvelli örorkumats kemur, skal miða við þá fjárhæð sem í gildi var á tjónsdegi.
- Rétturinn til bóta vegna varanlegrar læknisfræðilegrar örorku skapast þegar sjúkdómur eða slys hefur valdið varanlegri skerðingu á líkama hins tryggða, og ástand hans er stöðugt. Þegar um varanlega læknisfræðilega örorku er að ræða skapast réttur til greiðslu bóta vegna örorku í fyrsta lagi 12 mánuðum eftir að sjúkdómurinn greinist eða slysið varð og fyrir liggur örorkumat sem staðfestir varanlegar afleiðingar.

- c. Ef líkur eru til að ástand tryggðs megi bæta með skurðarðgerðum eða öðrum slíkum aðgerðum og hann veigir sér við án gildra ástæðna að gangast undir slíkar aðgerðir, ber að taka tillit til hugsanlegs bata, sem slíkar aðgerðir kynnu að hafa í för með sér.
- d. Fresta má örorkumati svo lengi sem þörf krefur samkvæmt læknisfræðilegri reynslu eða vegna fyrirbyggjandi möguleika á endurhæfingu, þó ekki lengur en í 3 ár frá tjónsatburði.

3. gr. Varanleg læknisfræðileg örorka vegna slyss

Örorku skal meta í hundraðshlutum samkvæmt töflum örorkunefndar um miskastig sem í gildi eru þegar örorkumat fer fram. Við ákvörðun örorkunnar ber ekki að taka tillit til starfs, sérstakra hæfileika eða þjóðfélagsstöðu.

Sé áverka eða ástands ekki getið í töflum örorkunefndar um miskastig skal meta það sérstaklega með hliðsjón af töflunum.

4. gr. Varanleg læknisfræðileg örorka vegna sjúkdóms

Örorku skal meta í hundraðshlutum og skal beitt læknisfræðilegu mati. Við ákvörðun á varanlegri læknisfræðilegri örorku vegna sjúkdóms ber ekki að taka tillit til starfs, sérstakra hæfileika né þjóðfélagsstöðu. Við matið skal að öðru leyti hafa til hliðsjónar miskatöflur örorkunefndar eða eftir atvikum aðrar sambærilegar viðurkenndar töflur um miskastig.

5. gr. Hvað bætir tryggingin ekki?

Tryggingin bætir ekki:

- a. sjúkdóm eða mein sem greindist fyrir gildistöku tryggingarinnar,
- b. slys tryggðs sem átti sér stað fyrir gildistöku tryggingarinnar,
- c. afleiðingar sjúkdóms eða meins sem hefur komið fram (þ.e. einkenni eða greining) fyrir gildistöku tryggingarinnar og tryggður veit eða mátti vita um við undirritun tryggingasamnings eða eftir að tryggingin féll úr gildi,
- d. afleiðingar slyss sem rekja má til atburðar sem tryggður veit eða mátti vita um og átti sér stað fyrir undirritun tryggingasamnings eða eftir að tryggingin féll úr gildi.

Fyrir utan þær takmarkanir sem tilgreindar eru hér að framan bætir tryggingin ekki afleiðingar af völdum:

- a. Slys sem tryggður verður fyrir í handalögmálum, við þátttöku í refsiverðum verknaði, undir áhrifum hvers kyns vímuefna, nema sannað sé að ekkert samband hafi verið milli ástands þessa og slyssins,
- b. slys sem verða við fjallaklifur, bjargsig, hnefaleika, glímu- og bardagaþróttir, akstursíþróttir, fallhlífastökk og froskköfun,
- c. slys sem verða vegna meðvitaðrar háttsemi, ásetnings eða stórkostlegs gáleysis tryggðs,
- d. sjúkdóma eða slys sem orsakast af neyslu áfengis, eitur-, deyfing- og nautnalyfja.

2. Kafli. Almenn ákvæði

6. gr. Hver er tryggður?

- a. Tryggður er sá aðili sem tilgreindur er á skírteini.
- b. Tryggingin gildir frá þeim tíma sem tilgreindur er í tryggingarskírteini, og til þess tíma sem tiltekinn er í tryggingarskírteini, þó að hámarki til 60 ára aldurs tryggðs (sjá einnig 11 gr.).
- c. Tryggingin er ekki í boði fyrir einstaklinga yngri en 20 ára.

7. gr. Hvar gildir tryggingin?

Tryggingin gildir hvar sem er í heiminum.

8. gr. Greiðsla iðgjalds

Við töku tryggingar er ársiðgjald tryggingarinnar ákveðið sem allt að jafnvirði fyrstu 2ja mánaðarlegra innborgana í séreignasjóðinn, miðað við þær upplýsingar sem koma fram í tryggingarbeiðninni. Iðgjaldið er dregið frá inneign í séreignarsjóð viðkomandi sjóðfélaga og færast þannig til félagsins.

9. gr. Ábyrgð félagsins

Upphaf ábyrgðar félagsins er sú dagsetning sem tryggingarbeiðni var samþykkt, að því gefnu að greiðsla fyrsta árs iðgjalds eins og það er skilgreint í 8 gr. hafi borist félaginu innan 10 mánaða frá undirritun.

10. gr. Tryggingarfjárhæð og bótagreiðslur

- a. Tryggingarfjárhæð kemur fram á skírteini og í bréfi um endurnýjun sem tryggður fær árlega afhent á mínum síðum og er þar aðgengilegt. Tryggingin er eingreiðslutrygging og við greiðslu bóta vegna örorku fellur hún úr gildi gagnvart þeim sjóðfélaga.
- b. Tryggingarfjárhæðin lækkar á aðalgjaldsdaga ár hvert og miðast lækkunin við að iðgjald haldist óbreytt.

- c. Komi til greiðslu bóta leggst tryggingarfjárhæðin inn á séreignarsjóð tryggðs og greiðist út samkvæmt gildandi lögum um útborgun lífeyrissparnaðar.
- d. Krafa um bætur fellur í gjalddaga 14 dögum eftir að fullnægjandi sannanir hafa borist fyrir bótaskyldu félagsins og unnt er að ákveða fjárhæð bótanna. Félagið áskilur sér rétt til þess að afla nauðsynlegra og fullnægjandi gagna áður en bætur eru ákveðnar og greiddar.

11. gr. Lok tryggingar

Trygging einstakra sjóðsfélaga fellur úr gildi við greiðslu bóta. Tryggingin fellur sömuleiðis úr gildi ef:

- a. Heildarinnngreiðslur tryggðs í séreignarsjóð á síðustu 24 mánuðum eru lægri en sem nemur næsta ársiðgjaldi tryggingarinnar,
- b. Tryggður segir upp samningi um örorkutryggingu,
- c. Samningur félagsins og tryggingartaka hefur fallið úr gildi.

Falli trygging úr gildi af öðrum orsökum en við bótagreiðslu er verðmæti hennar ekkert.

12. gr. Framhaldstrygging

Gangi sjóðsfélagi úr séreign er félaginu skylt að bjóða honum samskonar tryggingu og hann hafði í hópnum. Löggjald framhaldstryggingar helst það sama og var ákveðið í upphaf samnings. Réttur til framhaldstryggingar fellur úr gildi 24 mánuðum eftir lok samnings eða úrgöngu úr hópnum.

Skilmálar þessir gilda frá 01.05.2025